

JUOŠ "SEONA" ALJKOVIĆI



*Školske novine*

# ODLIKAŠ

PRVO POLUGODIŠTE 2023/24



# JUOŠ "SEONA" ALJKOVIĆI

## Sadržaj

Početak školske godine .....	3
Uvodna riječ .....	4
PJESMA ĐAKA PRVAKA .....	5
Jesenji izlet .....	6
U susret jeseni.....	7
Evropski dan jezika .....	8
Svjetski dan životinja.....	9
5.OKTOBAR-SVJETSKI DAN UČITELJA .....	10
Šampioni znanja.....	11
Eropska sedmica programiranja.....	12
Svjetski dan zdrave hrane.....	13
Dan jabuke .....	14
DAN UJEDINJENIH NARODA .....	15
Studijska ekskurzija u Sarajevo.....	16
KRALJ TVTRKO I KOTROMANIĆ .....	17
Happy Halloween.....	18
SVJETSKI DAN ŠTEDNJE.....	19
TAKMIČENJE IZ „UPOZORENJE NA OPASNOST OD MINA“ .....	20
Dan državnosti.....	21
Bosne i Hercegovine .....	21
Prezentacija za učenike"Upozoravanje na opasnosti od mina" .....	22
Literarni natječaj .....	26
Posjeta ministra obrazovanja našoj školi .....	24
Takmičenje u odbojci.....	26
Radionice za roditelje.....	27
Priredba u područnoj školi "Seona".....	28
Dan dječije radosti u centralnoj školi "Aljkovići" .....	29

Na sjednici nastavničkog vijeća održanoj 12.10.2023.god., donesena je odluka o osnivanju školskog lista „Odlikaš“Imenovana je redakcija školskog lista u sastavu:

**Redakcija školskog lista:**

**Sanja Halilčević, Amira Mrkonjić, nastavnice razredne nastave**

Učenici članovi novinarske sekcije(Amina Ikanović, Emra Rahmanović, Minela Salanović, Rijad Behrić i Amar Mušanović)

**Urednici školskog lista:** Amra Mehić i Nedret Hadžić

JUOŠ“SEONA“ALJKOVIĆI

## POČETAK ŠKOLSKE GODINE

Nastava u školskoj 2023/24.godini za učenike od 1. do 9. razreda počinje u petak 1.9.2023.godine.

# Prvi dan škole



Školske novine „Odlukaš“

Izlazi dva puta u toku školske godine

Adresa: Aljkovići bb-Banovići

Telefon: 035/883-440

E-mail: [os.seona@montk.gov.ba](mailto:os.seona@montk.gov.ba)

Web stranica: [osseona.skolatk.edu.ba](http://osseona.skolatk.edu.ba)

# Uvodna riječ

*Dragi čitaoci,*

*ispred vas je novi broj školskih  
novina „Odlikaš“, čija je svrha da učenicima  
roditeljima i nastavnicima obezbijedi  
informacije o radu škole. Na taj način  
se gradi odnos škole sa učenicima,  
roditeljima i lokalnom zajednicom.  
Želimo predstaviti učenike, njihov  
rad, radne aktivnosti i uspjehe te  
takmičarski duh.*

*Sretan početak nove školske godine*

**REDAKCIJA**



## PJESMA ĐAKA PRVAKA


Zbogom bako ,mili rode,  
u školu me jutros vode.

Tamo će me vazdan tući,  
živ ti neću doći kući.

Zbogom jagnje sviloruno,  
čoban ti je poginuo.

Zbogom kravo,mliječna spravo,  
odnio je šalu đavo.,  
pozdravi i drugo tele,  
Poginuću,danas vele,  
posljednje ti šaljem zbogom,osveti me tvrdim rogom.

Zbogom,konju ritajući,  
nastaradaću čiajući,  
unaprijed mi duša zebe,  
više jahat neću tebe,  
daj pomozi stradalniku,  
bježaćemo čak u Liku..



# Jesenji izlet

Dana 21.09.2023 učenici i nastavnici naše škole organizovali su jesenji izlet na izletištu Zlača nedaleko od Banovića.

Dan je bio prekrasan, učenici su uživali na jesenjem suncu uz razne društvene igre, u kojima su se mogli takmičiti i pokazati svoje vještine i takmičarski duh.



# U susret jeseni...

Radovi naših učenika



Príče jesenjeg lišća..





## Evropski dan jezika

Evropski dan jezika je dan posvećen promovisanju višejezičnosti i jezičke raznolikosti u Evropi. Budući da je jezička raznolikost alat za postizanje većeg međukulturnog razumijevanja i ključni element bogate kulturne baštine našeg kontinenta, Vijeće Evrope promovira višejezičnost u cijeloj Evropi.

Na inicijativu Vijeća Evrope, Evropski dan jezika se obilježava 26. septembra svake godine još od 2001. godine.

Nastavnice jezika Amra Imamović, Amra Begić-Maksimović i Alma Aljić su u saradnji sa učenicima 6., 7., 8. i 9. razreda obilježile ovaj značajan datum. Uz izradu panoa i drugih zanimljivosti izrađena je prezentacija o važnosti komunikacije na stranim jezicima. Prezentaciji su prisustvovali direktor, pedagog, nastavnici i učenici naše škole.





# JUOŠ "SEONA" ALJKOVIĆI





Svjetski dan životinja upozorava nas na položaj ugroženih životinja i važnost njihove zaštite.

Cilj svjetskog dana životinja jeste poboljšanje odnosa prema životinjskim vrstama širom svijeta i pružanje podrške pojedincima, grupama i organizacijama koje se brinu o životinjama.


Naši učenici su kao i obično bili vrijedni te su obilježili i ovaj dan.




## 5. OKTOBAR-SVJETSKI DAN UČITELJA.



Svjetski dan učitelja obilježava se svake godine 5. oktobra. Taj dan je prilika da se pokaže da je rad nastavnika i učitelja prepoznat kao jedan od najvažnijih za ukupan razvoj društva te da se kao takav i cijeni. Prilika je to i za isticanje rada svih učitelja i nastavnika i njihov uticaj na razvoj društva u cjelini, te da se naglasi važnost te profesije ali i samog obrazovanja čiji su oni nositelji.








## Evropska sedmica programiranja

Mjesec oktobar prepoznatljiv je u polju obrazovanja, godinama poznat kao mjesec knjige.

U posljednje vrijeme važi i za mjesec promocije i primjene programiranja.

S ciljem da se pokaže kako je tehnologija napredovala i kako je možemo koristiti u različite svrhe, učenici naše škole su pod mentorstvom nastavnice Amre Mehić obilježili ovaj značajan datum.








## Svjetski dan zdrave hrane

Učenici područne škole "Seona" su ove, kao i prethodnih godina, obilježili 16. oktobar- Svjetski dan zdrave hrane.

Obilježavajući ovaj dan, učenici od I do IV razreda posjetili su pijacu u Banovićima, napravili zdrav doručak te kroz kreativne radionice naučili šta ubrajamo u zdravu i nezdravu hranu i koliko velik značaj za njihov pravilan rast i razvoj ima zdrava hrana.









# Dan jabuke

20.10. obilježava se Svjetski dan jabuke te smo i mi, zajedno sa našim vrijednim mamama, odali počast kraljici voća JABUCI.

Družili smo se, saznali mnogo zanimljivih stvari o jabuci, prezentovali recepte i proizvode od jabuke, pravili iste i na kraju se i zaslادili. 🍏💜





## DAN UJEDINJENIH NARODA

Učenici 5 i 6 razreda obilježili dan Ujedinjenih naroda.

Ujedinjene nacije su organizacija osnovana 24. oktobra 1945. s ciljem unapređenja međunarodne saradnje.

Organizacija je formirana nakon Drugog svjetskog rata. BiH postala je članica Ujedinjenih naroda 22.5.1992.



Ujedinjene nacije se mogu pohvaliti svojim radom na očuvanju mira i sigurnosti na svjetskom nivou. Svojim zalaganjem i radom pomažu u slučajevima gladi, prirodnih katastrofa i oružanih sukoba.



# JUOŠ "SEONA" ALJKOVIĆI



25.10. 2023. godine učenici IX-og razreda su obavili studijsku ekskurzije u okviru koje su posjetili multimedijalnu izložbu "Pod nebom vedre vjere- Islam i Evropa u iskustvu Bosne". Pomenuta izložba postavljena je u galeriji Collegium Artisticum u Skenderija. U okviru ekskurzije smo obišli i Baščaršiju i vakuf Gazi Husrev-bega džamiju, medresu i biblioteku.





# JUOŠ“SEONA“ALJKOVIĆI

## KRALJ TVTRKO I KOTROMANIĆ

Tačno na godišnjicu krunisanja našeg prvog kralja Tvrtka I Kotromanića, učenici naše škole zajedno sa nastavnicima obilježili su ovaj značajan datum. U hiljadugodišnjoj bosanskoj historiji jedno mjesto, ono kraljevsko, uvijek će biti pamćeno imenom čovjeka koji je voljom Sabora bosanskog na njega prvi sjeo i upravljajući sa njega, a to je uspješno činio trideset i osam godina, ostvario ono što nikome prije nije pošlo za rukom, srednjovjekovnu Bosnu uzdigao je do snažne, najjače države tog doba na cijelom Balkanu. Tvrtko I Kotromanić rođen je 1338. godine. Sin Vladislava Kotromanića i Jelene Šubić, Tvrtko je na bosansko prijestolje došao kao petnaestogodišnji dječak 1353. godine. Srednjovjekovnom Bosnom vladao je kao



ban do 1377. godine, a kao kralj do 1391.godine.





Posljednja sedmica mjeseca oktobra za učenike područne škole "Seona" bila je ispunjena nizom veselih i poučnih aktivnosti.

Iskoristili smo sve ljepote i praznike proteklog mjeseca te obilježili: Oktobar- mjesec knjige, Halloween, jesenje radosti uz Maskenbal u šumi....

Igrali smo, pjevali, crtali, družili se sa najljepšim knjigama i maskirali se u omiljene likove i junake. Posjetili smo našu šumu, družili se i plesali sa jesenjim lišćem i nestašnim vjetrom koji su nas radosno dočekali.

Jedno veliko ❤️ i HVALA našoj dragoj mami, Muameri Dedić, za preukusne i čarobne poslastice koje je napravila za užinu u šumi našoj dječici!





# SVJETSKI DAN ŠTEDNJE

Učenici naše škole su uz pomoć nastavnice Husić Amre obilježili 31. oktobar, Svjetski dan štednje.

Ovaj dan se obilježava svake godine u spomen na Prvi međunarodni kongres štedioničara održan 1924. godine u Milanu.

Učesnici tog kongresa usaglasili su se da je štednja prijeko potrebna za razvoj čovječanstva pa je ustanovljen Svjetski dan štednje kao oživljavanje borbe protiv rasipništva.

Naši učenici su pokrenuli projekat štednje izradom vlastitih kasica za štednju s planom za realizaciju do kraja školske godine.





## TAKMIČENJE IZ PROGRAMA

„UPOZORENJE NA OPASNOST OD MINA“

Dana, 15. 11. 2023. u OŠ "Banovići" održano je 24. općinsko takmičenje iz programa "Upozoravanje na opasnost od mina". Učešće na pomenutom takmičenju uzele su sve osnovne škole sa područje općine Banovići. Naši učenici su osvojili izvanredno 3. mjesto.



# DAN DRŽAVNOSTI

## BOSNE I HERCEGOVINE

**Dan državnosti Bosne i Hercegovine** je praznik u Federaciji Bosne i Hercegovine, koji se obilježava 25. novembra. Na taj dan 1943, na prvom zasjedanju ZAVNOBiH-a u Mrkonjić Gradu usvojena je Rezolucija ZAVNOBiH-a, u kojoj je izražena odlučnost naroda BiH da njihova zemlja, bude zbratimljena zajednica u kojoj će biti osigurana puna ravnopravnost svih, te ravnopravnost NR BiH unutar buduće SFRJ, sa historijskim granicama koje su datirale još iz vremena srednjovjekovne Bosne.

*Da te volim duša zna, draga moja BiH!* 🇧🇦  
*Prigodba povodom 25. novembra-Dana državnosti* 🇧🇦



## Prezentacija za učenike-Upozoravanje na opasnosti od mina

Danas su našu školu posjetili pripadnici iz Eufor Lot Zavidovića i održali su predavanje i prezentaciju na temu: 'Upozoravanje na opasnosti od mina'. Predavanje su poslušali učenici od IV do IX razreda.



# *Literarni natječaj*

U sklopu obilježavanja Dana rudara BiH organizovan je literarni natječaj za osnovne škole na temu rudara. Učenica naše škole, Mirha Mušanović, član literarne sekcije, nagrađena je za svoj rad na tu temu. U prostorijama Radničkog doma, učenicima su uručeni prigodni pokloni za učešće i trud.



## Posjeta ministra obrazovanja našoj školi

Vrata naše škole otvorili su nama dragi gosti: ministar obrazovanja i nauke Tuzlanskog kantona Ahmet Omerović, načelnik općine Banovići Bego Gutić i vijećnik skupštine kantona Fadil Kudumović. Zahvaljujemo im se na sredstvima koje je dobila naša škola a koja su dio programa kapitalnog ulaganja Vlade kantona za 2023.god. Tim sredstvima naša škola je realizovala projekte koji su unaprijedili napredak nastavnog procesa.

Ti projekti su: rekonstrukcija dimnjaka na objektu područne škole Seona, te postavljanje ograde u dvorištu centralne škole i školskog poligona.

Naši gosti su posjetili završne radove, razgovarali o potrebama naših učenika i izrazili zadovoljstvo završenim projektima kao i našim gostoprimstvom.





## Takmičenje u odbojci

Učenici i učenice naše škole učestvovali na općinskom takmičenju u odbojci za učenike osnovnih škola. Takmičenje je u organizaciji OŠ B.Selo i OŠ Treštenica održano u sportskoj dvorani u Banovićima.

Svim učenicima čestitam na dobrom zalaganju i lijepom ponašanju.



# Radionice za roditelje

Centar za socijalni rad Banovići, organizovao je radionice za roditelje na temu: Odgovorno roditeljstvo, roditeljski stilovi.



# JUOŠ "SEONA" ALJKOVIĆI

Učenici područne škole „Seona“ ,u saradnji sa nastavnicima, organizovali su priredbu povodom Dana dječije radosti. Školu je posjetio i Djed Mraz ,te podijelio paketiće učenicima.

## POZIVNICA



Dobro nam došli!

Greetings  
ISLAND  
a

## Dan dječije radosti u centralnoj školi „Aljkovići“

Dan dječije radosti obilježen je u centralnoj školi u Aljkovićima uz prigodan program koji su učenici osmislili sa svojim nastavnicima.

Program se sastojao od raznih igara u kojima su se učenici mogli takmičiti međusobno. Zabava se nastavila uz smijeh i igru ,nakon čega je uslijedila dodjela paketića uz prisustvo Djeda Mraza.

Na kraju još jednog školskog dana, na licima su se mogli vidjeti samo osmjesi naših učenika i nastavnika ,pokazujući zadovoljstvo međusobne saradnje i poštovanja.

Učenike smo na kraju ispratili na zalučeni raspust ,kako bi nam se vratili puni energije za nove radne pobjede i nove osmjehe. Odmorite nam se do sljedećeg zvuka školskog zvona.



# JUOŠ "SEONA" ALJKOVIĆI

